

Skaftárhreppur
Klausturvegi 4
880 Kirkjubæjarklaustur

26. ágúst 2025
UOS2501550/H.M.V.

Efni: Reglubundið eftirlit þann 10. júní 2025 – ID 53

Þann 10. júní sl. fór fram reglubundið eftirlit á urðunarstað Skaftárhrepps að Stjórnarsandi. Í samræmi við 57. grein reglugerðar nr. 550/2018 um losun frá atvinnurekstri og mengunarvarnaeftirlit, sendist meðfylgjandi eftirlitsskýrsla.

Eitt eldra frávik var opið þegar eftirlitið fór fram:

1. Gr. 1.2 í starfsleyfi: Urðunarstaður hefur heimild til að taka við timbri til kurlunar og geymslu. Magn úrgangs sem geymt er á athafnasvæði rekstraraðila skal haldið í lágmarki og magn timburs á athafnasvæði skal ekki fara yfir 30 tonn hverju sinni. Magn timburúrgangs við eftirlit ársins 2024 var töluvert umfram þá heimild.
Rekstraraðili vann eftir samþykktri úrbótaáætlun, áætlað var að magn timburúrgangs yrði í samræmi við heimild starfsleyfis í lok apríl 2025. Úrbætur hafa farið fram en það sem eftir stendur er talsvert magn af blönduðum úrgangi, þó helst timbur en í mun minna magni. Klára þarf frágang á úrganginum og ráðstafa eftir því hvað þarf að urða og hverju er hægt að koma í endurnýtingu/vinnslu.

Ein ábending var sett fram í eftirlitinu er varðar:

1. Ef rekstraraðili ætlar að loka urðunarstaðnum endanlega skal fara eftir gr. 1.8 og 4.5 í starfsleyfi varðandi lokunaráætlun og sækja um niðurfellingu starfsleyfis inn á þjónustugátt Umhverfis- og orkustofnunar.

Fjögur frávik komu fram í eftirliti nú er varða:

1. Frá gr. 1.5 í starfsleyfi: Þegar rekstri er hætt, tímabundið eða varanlega, skal gera ráðstafanir til þess að úrgangi, efnum og búnaði verði ráðstafað á viðurkenndan hátt. Leggja skal fram áætlun um meðferð og förgun úrgangs yfir þann tíma sem urðunarstaðurinn er ekki í notkun sbr. gr. 1.7, taka þarf út frágang að því loknu.
Framkvæma þarf úrbætur á þessu fráviki.

2. Frá gr. 2.1 í starfsleyfi: Rekstraraðili skal halda athafnasvæði sínu snyrtilegu, ófrágenginn úrgangur er til staðar inn á urðunarstað. Geymsla úrgangs skal fara eftir ákvæði 2.8 í starfsleyfi og daglegur frágangur urðunarreina eftir 4.3 í starfsleyfi.
Framkvæma þarf úrbætur á þessu fráviki.
3. Frá gr. 5.1 í starfsleyfi: Rekstraraðila ber að halda skrá yfir upplýsingar um eftirfarandi atriði sbr. starfsleyfi úr innra eftirliti rekstraraðila. Tölul. 1, 2 og 4 vegna ársins 2024 var ekki skilað. Ef skráningar eiga ekki við, ber að skila núllskráningum eða upplýsingum um hvers vegna skráningar eiga ekki við út frá stöðu reksturs. **Eftirlitsaðili hefur kallað eftir fullnægjandi skráningum og hefur þeim verið skilað sbr. tölvupósti dagsettum 24. júlí 2025, fráviki er lokað.**
4. Frá gr. 5.3 í starfsleyfi: Rekstraraðili skal senda Umhverfis- og orkustofnun niðurstöðu skráninga, sbr. gr. 5.1 fyrir 1. maí ár hvert fyrir undangengið almanaksár. Rekstraraðila er heimilt að vísa til skýrslu um Umhverfisupplýsingar eða ársskýrslu ef þar er að finna ofangreindar niðurstöður. Ársyfirliti ársins 2024 var ekki skilað fyrir 1. maí sl.
Eftirlitsaðili hefur kallað eftir skráningum og hefur þeim verið skilað sbr. tölvupósti dagsettum 24. júlí 2025, fráviki er lokað.

Umhverfis- og orkustofnun óskar í því sambandi eftir tímasettri áætlun um úrbætur á framangreindum atriðum í samræmi við 58. grein reglugerðar nr. 550/2018 og að áætlunin berist stofnuninni eigi síðar en **17. september 2025**.

Virðingarfyllst,

Halla Margrét Viðarsdóttir
sérfræðingur, teymi eftirlits

Sigríður Kristinsdóttir
teymisstjóri, teymi eftirlits